



# ज्वजलपा वाऱ्वा

JWOJALAPA WEEKLY

दैं द ल्या: १८ (पूर्णडक १६५) ने. सं. ११३८ थिलाथ्व अस्तमि आइतवा: २०७४ मंसिर १० गते आइतवार (Nov- 26, 2017)

मू द १- पृष्ठ १०

## सकतां ख्यलं नेवा:त विस्थापित छांय् जुल ?

## नेवा:तय्सं राजनीति मया:गुलिं खः सीकेलाल

**ज्वजलपा वा:पौ**

थौकन्हय् न्यायालय, व्यवस्थापिका, प्रशासननिसं थःगु हे भूमिपाखें तकं विस्थापित जुया वनाच्वन धका: स्वनिगःया आदिवासी नेवा:तय्सं तसकं च्युता: कायेगु नापं बहस यायेगु यानाच्वंगु दु । अले राजनीतिक दलया नेतातय्सं याना बाय् राजनीतिक पार्टीतय्सं याना व राज्य सत्तां याना नेवा:त थःगु भूमिं हे विस्थापित जुइ मालाच्वंगु खः धका: नेवा:तय्सं बहस यानाच्वंगु दु । उलि जक मखु नेवा: न्हयलुवातय्सं पाय्छि इलय् पाय्छि कथंया निर्णय याये मफया हे समस्या भन भन तच्चया वयाच्वंगु धका: तकं धायेगु याना हयाच्वंगु दु ।

नेवा:त बालं जक तया नयाच्वंगु अले छुं नं यायेगु नितिं सक्रिय मजुया हे नेवा:त ल्युने लाना वनाच्वंगु नापं थःपिनिगु म्हासीका हे मदइगु अवस्थाय् थ्यन धका: स्वयं नेवा:तय्सं आलोचना यायेगु यानाच्वंगु खः ।

स्वनिगःया आदिवासी नेवा:तय्सं थःपिं विस्थापित जुया वनाच्वंगुयात कया थःगु हे कथं विश्लेषण यानाच्वंगु अवस्थाय् छम्ह नेवा: मखुम्ह अले विचारक कथं न्हय:ने वयाच्वनादीम्ह सीकेलालं धा:सा नेवा:तय्त न्हयलं चायेकेगु कथं न्ववानादीगु दु कि नेवा:त सकतां ख्यलं विस्थापित जुया वनाच्वंगुया मूल कारण धइगु नेवा:तय्सं

राजनीति मयाना खः धका: धयादीगु दु । नेपाल संबत १९३८ न्हू दँया लसताय् तुच्चा ज्याभवः व देय्या थौया राजनीतिक विषयत कया: ज्याभवः शनिवा: जूगु खःसा उगु हे ज्याभवलय् सीकेलालं अथे धयादीगु खः ।

यें महानगरपालिका १३ वडा ग्वाहालि पुचःया ग्वसालय् जुगु ज्याभवलय् नां जाम्ह च्वमि, राजनीतिक विश्लेषक सीके लाल नेवा:त मल्ल कालं निसं गणतन्त्र तक थ्यंवल्य् नेवा:त सकतां कथंया अधिकार विस्थापित जुगु बिचा: प्वंकादिसं वयकलं नेवा:तय्सं राजनीति मया:गु कारणं थथे ल्युने ला:गु जुगु बिचा: प्वंकादिगु खः ।

यें, यल, ख्वप, किपू थिमि नापं स्वनिगःया वस्ती वस्तीं तकं यक्व हे स्थानीय नेवा:तय्गु सहभागीताय् जूगु उगु तःजिगु ज्याभवलय् मूपाहाँ कथं नेवा: न्हयलुवा: मल्ल के. सुन्दर भायादिगु खः । नेवा: न्हयलुवा: मल्ल के सुन्दर नेवा: संगठित जुया: न्ह्यायेत इनाप यानालि ।

अथे हे नां जाम्ह पत्रकार युग पाठकं संस्कृति नेपा: म्हासीका जुगु थुकथंया संस्कृतियात नेवा:तय्सं ल्यंकातःगु बिचा: प्वंकादिल ।

अथे हे स्नेह सायमि सतक बिस्तारया लिसं नेवा:तय्गु थीथी समस्यायात कया: न्ववादिगु खः । टंकेश्वरया टक्ति जुगु उगु



ज्याभवः १३ वडा ग्वाहालि पुचःया नायः दिल बहादुर मानन्धरया सभापतित्वय् जुगु उगु ज्याभवलय् ज्याभवः मुकेश ज्यापू न्ह्याकादिगु खः ।

उगु पुचःपाखें दँय दसं नेपाल संवतया न्हूदँया लसताय् लाका नेवा:तय्गु सरोकारया विषय तया नेवा: मखुपिं नापं थीथी व्यक्तित्वपिन्त पाहां कथं ब्वना इमिगु बिचा: न्यनेगु कथंया च्वछाय् बहःगु ज्याभवः याना वयाच्वंगु खः ।

सबैका लागि समृद्धि, सबैलाई सम्मान, राज्यसत्ताका सबै तहमा सबैको पहुँच समान

## नयाँ शक्ति पार्टी नेपाल

काठमाडौं क्षेत्र नं. १० का उम्मेदवारहरु

आंखा चिन्हमा छाप लगाई नयाँ शक्ति पार्टीका उम्मेदवारहरुलाई अत्याधिक बहुमतले विजयी गराऔं ।



**यूवा नेता पञ्चलाल महर्जन**

उम्मेदवार, क्षेत्र नं. १०

संघिय प्रतिनिधि सभा सदस्य



**आंखा चुनाव चिन्ह**



**समाजसेवी केश रत्न बज्राचार्य**  
उम्मेदवार प्रदेश सभा 'क'  
सदस्य



**समाजसेवी होम प्रसाद रिजाल**  
उम्मेदवार प्रदेश सभा 'ख'  
सदस्य



**यूवा नेतृ आशा कुमारी तामाङ**  
उम्मेदवार संघिय (समानुपातिक)  
सदस्य



**यूवा नेता सुरेस खड्गी**  
उम्मेदवार प्रदेश सभा (समानुपातिक)  
सदस्य

पुराना शक्तिलाई हेरौं पटक पटक, नयाँ शक्तिलाई हेरौं यस पटक





# झजलपा वाऱ्पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

रामभोला महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : jwojalapaweekly@gmail.com

## सम्पादकिय

## बखुमद: जात्राया लसताय् भिंतुना

थःगु हे कथं म्हसीका दुपिं स्वनिगःया आदिवासी नेवाःतय्सं हना वयाच्वंगु थीथी कथंया तःजिगु संस्कृति मध्ये येंय न दक्षिण पश्चिमपाखेया तःजिगु जात्रा धइगु बखुमदः जात्रा खः । दैय् दसं थिंलाथ्व अष्टमी दिया केन्द्रविन्दु कथं नाला याइगु थुगु जात्रायात लिपांगु इलय् वया न्हय्गां जात्रा धायेगु यानाहःगु दु । न्हापा न्हापा न्हय्गू नेवाः वस्ती किपू, पांगा, नगां, सतुंगः, ब्वसिगां, ल्हव्खा, मच्छेगामय् जात्रा जुइगु जुया हे सायद् न्हय्गां जात्रा धकाः धायेगु यानाहःगु खयेमाः । तर लिपांगु इलय् वया सिंर व पुलामय् न जात्रा यानाहःगु दु । थुगु ल्याखं स्वल् धाःसा थौकन्हय् गुंगू नेवाः वस्तीइ जात्रा जुइ ।

स्वनिगःया नेवाः वस्तीइ यक्व थासय् नापं जनसंख्याया ल्याखं न यक्वसिन जात्राया रूपय् नालीगु मैलिक कथंया जात्रा धइगु बखुमदः जात्रा खः । नेवाः दुने एकताया सन्देश बियाच्वंगु दुसा अथे हे नेवाः समाज दुने जातीय रूप विभेद मदु समानता दु धकाः सन्देश बियाच्वंगु प्वः थकाली याना नकीगु भव्य तर्क थुगु जात्राय् दुथ्यानाच्वंगु दु । अले नेवाःतय्गु म्हसीका न पिब्वयाच्वंगु दु ।

थुगु कथंया महत्व दुगु येंया दक्षिण पश्चिम लागाया नेवाःतय्सं हना वयाच्वंगु बखुमदः जात्रा अर्थात न्हय्गां जात्रायात अफ्र अप्वः प्रचारप्रसा याना थुकिया महत्त्वयात थुइके बिइमाःगु दु । अले बखुमदः न्हय्गां जात्राया लसताय् सकलसित भिंतुना न देछायाचवना ।

## गजल शौरभ शाक्यया

गजल-५४

क

थःगु जातिया पहिचान खः नेपालभाषा  
नेवा भी सकसियां ज्यान खः नेपालभाषा ।

भाषा,संस्कृति, कला खाःपाःखःनेपालभाषा

नेपाःदेशया थःगु प्रान खःनेपालभाषा ।

च्वये फुसय् च्वाप्प गूँ,क्वये पिचूख्यःदु

स्वनिगःलकसया बरदान खःनेपालभाषा ।

पुर्खाया चःति मठ, मन्दिर धरोहर दु

थास,थासय् शिलापत्र ज्ञान खःनेपालभाषा ।

वा भी, ल्हाये थःथःगु छेंय्,छेंय् नेपालभाषा

भीगु गर्व, भीगु जातिया शान खःनेपालभाषा ।



## राजनीतिक दलतय्गु चुनावया नितिं घोषणा पौ



श्रीकृष्ण महर्जन

थौकन्हय् न्ह्याथय् वंसां न्ह्याथाय् च्वंसां चर्चा चुनावया । प्रतिनिधिसभा व प्रदेशसभाया चुनाव, चुनावय् क्वहां वनाच्वंगु राजनीतिक दल, दलतपाखें चुनावय् दनादीपिं उम्मेदवारपिनिगु नाप नापं चुनावय् दनादीपिन्त ताः क्यना आक्रमणया घटना जुयाच्वंगु विषय हे चर्चाया विषय जुयाच्वंगु दु । समग्रताय् चुनावयात स्वीकार याना वनाच्वंगु छगू कथंया राजनीतिक दलत अले आःया अवस्थाय् चुनावयात हे अस्वीकार याना वनाच्वंगु मेगु राजनीतिक दल खनेदु । चुनावय् वंगु पार्टीत धइगु संसदीय व्यवस्थायात स्वीकार याना वनाच्वंगु दलत खःसा संसदीय व्यवस्थायात अस्वीकार यानाच्वंगु दल धायेबलय् विप्लवया नेतृत्वय् दुगु नेपाल कम्युनिष्ट पार्टी खः । चुनावय् वनाच्वंगु राजनीतिक दल धइगु कांग्रेस, एमाले, माओवादी केन्द्र, नयाँ शक्ति नेपाल, राप्रपा, राप्रपा प्रजातान्त्रिक, माले, नेमकिपा, राजपा, विवेकशील साझा पार्टी, राजमोनिसें नेपाः राष्ट्रिय पार्टी तकं खने दु । नेपाःया राजनीतिक पार्टीत आःया चुनावयात स्वीकार याइगु दल व चुनावयात खारेज यायेमाः धइगु पक्षय् विभाजित जुयाच्वंगु खने दु ।

चुनावय् ब्वति कयाच्वंगु राजनीतिक दलतय्गु बारे विश्लेषण यायेगु खःसा मूल रूपं वाम गठबन्धन, कांग्रेस व पहिचानया आधारय् प्रदेश निर्माण यायेमाः धइगु कथंया स्वंगू कथंया व्वथले ज्याछि । वाम गठबन्धनय् एमाले, माओवादी केन्द्रनिसें राजमो तकं दुथ्यानाच्वंगु दु । वाम गठबन्धनय् दुमथ्याःगु माले निसें नेमकिपा तक नं मदुगु मखु । अयूँ कम्युनिष्ट पार्टीतय्गु हे मूल धारया रूपय् वाम गठबन्धन नेतृत्व याःगु खनेदुसा चुनावय् नं दक्ले सशक्त शक्तिया रूपय् न्हयःने वःगु दु । एमाले, माओवादी केन्द्र लगायतया दलतय्गु गठबन्धनयात वाम गठबन्धन धाये जिउ ला कि मजिउ धइगु हाकन मेगु हे विषय खः । गुलिं गुलिसिन ला एमाले, माओवादी केन्द्रयात कम्युनिष्ट पार्टी नं मखु अले इमिगु गठबन्धनयात वाम गठबन्धन धाये मजिउ धाईपिं नं मदुगु मखु । चुनावया ल्याखं स्वल् धाःसा छगू सशक्त शक्तिया रूपय् वाम गठबन्धन वइगु अवस्थायात सुना नं अस्वीकार याये फइगु अवस्था मदु ।

चुनावय् वयाच्वंगु मेगु सशक्त शक्ति धइगु नेपाली कांग्रेस खः । नेपाली कांग्रेस नं लोकतान्त्रिक गठबन्धन धकाः दयेकेगु ज्या याःगु खः । नयाँ शक्ति नेपाल, राप्रपा निसें संघीय समाजवादी फोरमलिसे तकं तालमेलया कुतः याःगु जूसां गुलिं गुलिं थासय् जक तालमेल जूगु दुसा अप्वः

याना थासय् तालमेल तकं याये मफुगु अवस्था जुल । न्ह्यागुसां थुगुसीया प्रतिनिधिसभा व प्रदेशसभाया चुनावया नितिं कांग्रेस छगू मूल धारया शक्तिया रूपय् न्हयःने वइ ।

चुनावया नितिं वःगु राजनीतिक शक्ति मध्ये मेगु छगू महत्वपूर्ण शक्ति धइगु पहिचानवादी शक्ति खः । संघीय समाजवादी फोरम नेपाल, राजपा, नेपाः राष्ट्रिय पार्टी लगायतया पार्टीत थुगु पुचलय् लाइ । थुगु शक्ति नं चुनावय् छगू सशक्त शक्तिया रूपय् वःगु जूसां नं गुलिं गुलिं थासाय् तालमेल जूगु दुसा अप्वः याना थासय् तालमेल तकं याये मफुगु अवस्था खः । जबरजस्त रूपं पहिचानवादी शक्ति नं चुनावं त्याना वइगु अवस्था दु ।

चुनावया नितिं न्हयःने वःगु थुगु कथंया स्वंगू शक्तिया विश्लेषण यायेमाः । स्वंगू र ाजनीतिक शक्ति आः गुगु कथं न्ह्याः वनी अले इमिसं नेपाःया आदिवासी जनजाति, मधेसी, दलित नापं उत्पीडित समुदायया मुद्दायात गुगु कथं सम्बोधन याइ ? आःया संविधानयात गुगु कथं स्वयाच्वंगु दु धकाः थुइकेमाली । ज्याभक्वःया ल्याखं छगू पार्टीया तुलनाय् मेगु पार्टी मात्रात्मक रूपं भच्चा भच्चा पाकाः खें पित बिइगु यानाच्वंगु दुसां संविधानयात स्वयेगु दृष्टिकोण व पहिचानया मुद्दायात कया गुगु कथं स्वयाच्वंगु दु धइगु हे प्रमुख विषय खः ।

वाम गठबन्धन संविधानयात स्वीकार याःगु दु । संविधानयात कार्यान्वयन यायेगु धकाः धाःगु दु । संविधान संशोधनया माध्यमं मधेसी आदिवासी जनजाति, मधेसी, दलितनिसें उत्पीडित समुदायया माग सम्बोधन यायेगु जुइ धकाः स्पष्ट याःगु मदु । वाम गठबन्धनय् दुथ्यानाच्वंगु दलया ल्याखं स्वल् धाःसा एमालेया तुलनाय् माओवादी केन्द्र पहिचानया मुद्दा, आदिवासी जनजातिनिसें उत्पीडित समुदायया मुद्दायात सम्बोधन यायेमाः धइगु सवालय् सकारात्मक खनेदु । एमाले ला आःया संविधानयात हे छगू कथं उत्कृष्ट संविधानया रूपय् नालाकाःगु दु ।

नेपाली कांग्रेस नं संविधान कार्यान्वयनया नितिं हे थपिं वनेगु जुइ धकाः धाःगु दु । व धइगु संविधान संशोधनया सवालय् प्रमुख विषय मखु धाःगु खः । अथे हे नयाँ शक्ति पार्टी नं संविधान संशोधनयात वः विउगु मदु । कांग्रेस व नयाँ शक्ति आदिवासी जनजाति, मधेसी, दलितनिसें उत्पीडित समुदायया हक अधिकारया संविधान संशोधन याना जूसां बिइमाः धइगु सवालय् एमालेसिबें सकारात्मक अले माओवादी केन्द्र थें तकं वंगु खने मदु । थ्व स्वंगू हे राजनीतिक दल संविधान कार्यान्वयनया पक्षय् दु धकाः धायेफइगु अवस्था दु । स्वंगू राजनीतिक दलया नेतातय्गु योजना कथं हे संविधान जारी जूगुलिं इपिं संविधान संशोधन यायेगु सवालय् माःगु कथंया सकारात्मक मजुइगु अले भेपिन्सं दबाव बिल धाःसा जक बिचाः यायेगु धइगु मानसिकता जुइगु स्वभाविक हे खः । थ्व स्वंगू राजनीतिक शक्ति आः संविधानया सवालय् छुं छुं अपवादयात

त्वःताः यथास्थितिइ हे च्वनेगु पक्षय् दु धाःसां छुं पाइमखु । देय्या शासकिय स्वरूपया सवालयात कया जक थ्व स्वंगू दलया दथुइ ब्यागलं ब्यागलं दृष्टिकोण जुयाच्वंगु दु । (कार्यकारी अधिकार दुम्ह प्रत्यक्ष राष्ट्रपतिया वकालत माओवादी केन्द्रं यानाच्वंगु, प्रत्यक्ष निर्वाचित कार्यकारी अधिकार दुम्ह प्रधानमन्त्री एमाले वकालत यानाच्वंगु अले संसदीय व्यावस्थायात हिइके दइमखु धकाः कांग्रेस अडान कयाच्वंगु दु) । मेगु खँय बिचाः यायेगु खःसा विकास निर्माण, समृद्धि लगायतया सवालय् मात्रात्मक रूपं जक पानाच्वंगु दु मेगु छुं हे पानाच्वंगु खने मदु । राजनीतिक दलतय्सं जारी याःगु चुनावी घोषणा पत्रयात आधार कया स्वयेगु खत धाःसा एमाले, कांग्रेस व माओवादी केन्द्रया दथुइ खास हे पाःगु खँ मदु । इमि दथुइ समान धारणा हे खने दु । लोकतान्त्रिक समाजवादयात हे इमिसं नालाच्वंगु खनेदु ।

संघीय समाजवादी, राजपा, नेपाः र ण्टिय पार्टी लगायतया पहिचानवादी र ाजनीतिक दलत धाःसा मूल मुद्दा हे संविधान संशोधनया सवाल ज्वना वःगु दु । घोषणा पत्रकया आधारय् धायेगु खःसा नेपाःया आदिवासी जनजाति, मधेसी, दलित, मुस्मां नापं उत्पीडित समुदायया हक अधिकारया नितिं धकाः संविधान संशोधन हे थपिनिगु एजेण्डा दयेकेगु नाप नापं आःया ७ प्रदेशया थासय् पहिचानया आधारय् गैर भौगोलिक नापं याना ११ प्रदेशया अवधारणायात ज्वनाच्वंगु खने दु । नेपाः राष्ट्रिय पार्टी ३ नम्बर प्रदेशयात नेवाः ताम्सालिङ प्रदेशया नां तयेमाः धाःगु दु । संविधान संशोधनयात हे मूल मुद्दा दयेकगु पहिचानवादी पार्टीत मध्ये नं संघीय समाजवादी फोरम नेपाल ला नेवाः, मगर ात, लिम्बुवान, खसाननिसें फुक्क हे पहिचानया आधारय् छगू गैर भौगोलिक नापं याना भिंछगू प्रदेशया अवधारणायात न्हयःने हःगु दु । अथे हे ३२ गू स्वायत्त क्षेत्र, १३ गू संरक्षित क्षेत्र व ४ गू विशेष क्षेत्र जुइमाः धइगु मुद्दा ज्वंगु दु । आःया अवस्थाय् पहिचान पक्षधरतय्सं नेवाः नापं आदिवासी जनजाति, मधेसी, दलित, मुस्मानिसें उत्पीडित समुदायया माग कथं न्ह्याः वंगु खने दु । तर दुःखया खँ व हे आदिवासी जनजाति, दलितनिसें मुस्मांत तक संविधानयात स्वीकार याइगु दलया हे त्यूल्य वनाच्वंगु दु । कन्हय् वना व हे संविधान संशोधनया विपक्षय् दनीगु दलया उम्मेदवारत अप्वः त्याना वइगु अवस्था दु । संविधान संशोधनया विपक्षय् दुगु शक्तितय् दुई तिहाई बिइगु ज्या जक याये मफत धाःसां कन्हय् वना संविधान संशोधनपाखें नेवाः नापं आदिवासी जनजातियत्गु हक अधिकारया सुनिश्चित यायेत अपुइगु संभावना जुइ । थौं मवःसां कन्हय्या दिनय् अधिकार वइगु संभावना दइ । आः चुनावय् भोट कुर्के न्हयः प्रमुख धाःसा राजनीतिक दलनिसें पहिचानवादी दलतय्गु घोषणा पौयात छकः सचेत नेवाःतय्सं अध्ययन यायेगु यात धाःसां उकिं तःधंगु उपलब्धी जुइ ।

# यें जिल्ला निर्वाचन क्षेत्र नं १० किपू लागाय् चुनावी चहःपहः

ज्वजलपा वा:पौ /

थ्वहे वङ्गु मंसिर २१ गतेया प्रतिनिधि सभा व प्रदेश सभाया चुनाव लिक्क वःलिसे लागा त्याः १० यू नं चुनावी चहःपहः अप्वया वयाच्वंगु दु । कोण सभा, मतदाताया छें छें वनां भोट फवनेगु ज्या तःच्वयेका हःगु दु । विशेष याना नेपाली कांग्रेस, वाम गठबन्धन, नयाँ शक्ति नेपाल व नेपाली कांग्रेस विपिन्या गतिविधि सतकय् खने दयावःगु दु । थीथी पार्टीया उम्मेदवारतय्सं नं थःथःगु हे कथं प्रचार प्रसार यानाच्वंगु धाःसा मदुगु मखु ।

वंगु विहिवाः मंसिर ७ गते नेपाली कांग्रेसया प्रतिनिधि सभा उम्मेदवार राजन के.सी. व प्रदेश सभा उम्मेदवार पुकार महर्जन थःपिनगु पार्टीया प्यंगः नगु दुगु ध्वाँय् व सिमा चिं ज्वनां पाँगाया ध्वकासी मुनां घरदैलो ज्याभवः न्ह्याकल ।

उगु ज्याभवलय् कांग्रेस पार्टीया वडा ईकाइया सभापतिपिन्सं ग्वाहालि मयात धइगु हल्लायत फय्गं सावित यायेत न्हापानिसं कांग्रेस धकाः म्हस्यूपिं अप्वःयाना नेता कार्यकर्तातयगु उपस्थिति दुगु खने दु । निसःति मनुत ज्वनां पाँगा देय् चाःहिला नगामय् वनां कोणसभा यानां क्वचायेकूगु खः ।

अथे हे वहे दिनय् वाम गठबन्धनया उम्मेदवारपिं प्रतिनिधि सभा उम्मेदवार हितमान शाक्य व प्रदेश सभा उम्मेदवार दिलिप महर्जन सूर्य चिं व गोलाकार दुने ईचा मुगःचा दुगु ध्वाँय् ज्वनाः नगांद्वापातय् मुनाः किपू देय् चाहिला लोकतान्त्रिक चोकय् थ्यंकाः क्वचायेकूगु खः ।

उगु ज्याभवलय् स्थानीय चुनावय् त्याःपिं एमालेया मेयर, उपमेयर नापं वडाध्यक्षपिं, नससपिं सकलें दुगु खः । एमालेया नेतात वाम गठबन्धनया चुनावय् कुहाँ मवःनि धइगु हुइना भुइनायात भूठ सावित यायेथें पुलांम्ह मेयर हिराकाजी महर्जन नापं यक्व हे एमाले नेतात नं उगु जुलुसय् दुगु खः । थुकिं यानाः माओवादी थः त्याइधइगु भलसा काःगु दु । अथे हे मिखां चिं कयाः नयाँ शक्तिया उम्मेदवार जुयादीम्ह पंचलाल महर्जन म्हिगः मंसिर ९ गते सनिवाः पाँगा वनेगु चोक नयाँबजारय् मुनां घरदैलो ज्याभवः न्ह्याकल । थःपिनगु घोषणा पत्र, व उम्मेदवार म्हसिका पौ इनां पाँगा, नगां, चाहिलेगु ज्या यात । उगु ज्याभवलय् थ्यंमथ्यं सच्छिम्ह मनुतयगु सहभागिता दुगु खः । दलबल सहित चाह्यूवःबलय् ने.का. व वाम गठबन्धनया जक चर्चा जुयाच्वंगु थासय् नयाँ शक्ति पार्टीया नं चर्चा सुरु जूगु दु ।



अथे हे नेपाली कांग्रेस वि.पी. पार्टीया चुनाव चिं करुवा चिं लय् उम्मेदवार बियादिम्ह प्रणय सिंह महर्जन मुन्ना नं पाँगा वनेगु द्वापातय् मुनां घरदैलो ज्याभवः याःगु खः । अप्वः युवापिनगु सहभागिता दुगु उगु च्याली खँ बलय् मनुतसैं सोचय् यायेमाःगु अवस्था वःगु दु । म्हिगःया एमाले व कांग्रेसया मतदातापिनगु अप्वः सहभागिता दुगु व च्याली खँबलय् मनुतसैं सोचय् यायेमाःगु अवस्था वःगु दु । उगु च्याली सहभागिपिं युवातय्के ज्वजलपाया संवाददातां “छिकपिं गबलेनिसैं थ्व पार्टीया सदस्य जुयागु ?” धकाः न्यंगु इलय् वय्कपिन्सं लिसः बियादिल, “जिपिं छुं नं पार्टीया समर्थक व कार्यकर्ता मखु । भीगु लागया छम्ह सक्षम शिक्षित बौद्धिक व्यक्तित्व मुन्ना दाइयात त्याकेत न्ह्यज्यानागु खः ।” धकाः लिसः बिया दल ।

“मुन्ना त्याइगु गुलितक सम्भावना दु ?” धइगु न्ह्यसलय् लिसः बिया दल, “त्याइम्हेसित मखु । त्याकेमाःह मनुयात भोट बिइगु धकाः थुइकेगु निंति जिपिं वयागु खः । अप्वः युवातयगु समर्थन दुम्ह मुन्ना दाइ अवश्य त्याइ ।” धकाः लिसः बिया दल ।



२०७० सालमा संविधानसभा बहिस्कार याःपिं वैद्य माओवादी समर्थक देशभक्त जनगणतान्त्रिक पार्टीया उम्मेदवार सुरेश श्रेष्ठ व रत्नवहादुर महर्जनं तामझामका साथ घरदैलो ज्याभवः याये मफुसां थःगु घोषणा पत्र, पर्चा ज्वनाः त्वाःत्वालय् भोट फोनाच्वंगु दु । अथेहे थःगु चुनाव चिं मुटिठ ध्वाँय् पोलय् तयगु ज्या न्ह्याकाच्वंगु दु । थःपिं त्याइगु गुलि सम्भावना धकाः जिमि संवाददातां न्यंगु न्ह्यसःया लिसलय् सुरेश श्रेष्ठ लिसः बियादिल, “सु त्याई ? सु बुई धइगु खँ २१ गते लिपा जक हे सिइदइ ।

चुनावय् दनीपिं सकले त्याकेगु आसाय् हे दनीगु खः । अयुसां जिपिं त्याकेगु सिबें जिमिगु विचाः नीति जनताया न्ह्योने यंकेगु थ्व सुवर्ण अवसरयात छयलेगु निंति थ्व चुनावय् ब्वति कयाः च्वनागु दु । जनतां बांलाक विचाः याना जिमित मत बियाःदीगु धइगु आशा दु धयादिल । थुगुसी चुनावय् दनादीपिं थीथी राजनीतिक पार्टीया उम्मेदवारपिन्सं थःथःपिं चुनावय् त्याइ धकाः उम्मेदवारपिन्सं आशा यानाच्वंगु दु ।

**“स्वाधिनता, समृद्धि र समाजवादको आधार  
संघ/प्रदेशमा वामपन्थीहरूको जनपक्षीय स्थिर सरकार”**

**वाम गठबन्धनका  
अत्याधिक बहुमतले**



**क. दिलिप महर्जन**

प्रदेशसभा सदस्य

क्षेत्र नं.१०(क), काठमाण्डौ ।

सम्पर्क नं.: ९८४१५५१७५९

स्थायी ठेगाना : पाँगा, कीर्तिपुर नगरपालिका



**क. हितमान शाक्य**

प्रतिनिधिसभा सदस्य

क्षेत्र नं.१०, काठमाण्डौ

सम्पर्क नं.: ९८१३७६१०९१, ९८५११००५९०

स्थाई ठेगाना: विष्णुदेवी(बखु),

चन्द्रागिरी नगरपालिका



**साम्पा उम्मेदवारहरूलाई  
विजयी गराऔं ।**



**क. रमा आले**

प्रदेशसभा सदस्य

क्षेत्र नं.१०(ख), काठमाण्डौ ।

सम्पर्क नं.: ९८५११३२८०८

स्थायी ठेगाना : थानकोट, चन्द्रागिरी नगरपालिका





## किपूया ध्वाखात म्हसिइका:

### हिराज्ञान महर्जन

किपू: छगु स्वनिगःलय अले नेपालय हे नांजाःगु छगु देय् खः । किपू बल्लागु किल्ला व बल्लागु पःखा, गः पखा दुगु देय् खः । थ्व देशय दुहां वय्त भिनिगु ध्वाखाःत दु धैगु लोक विश्वास दु । अथेसां थन किपूया भिन्छगु ध्वाखा गन गन दु धैगु न्यनेकने याय्गु कुतः जूगु दु ।

१) पूर्व पत्तिई नं ल्याःखाना यंकि बले न्हापां तःधंगू ध्वाखा धाई थ्व अमल्सी अथवा न्हुगु बजार मण्डःफल्वां पश्चिम लाका थाहां वने बलेया ध्वाखा खः । थ्व छगु मूलगु ध्वाखा खः । अथे जुया मोहनि बलय भुयू फसि जात्रा त्याना देशय दुत हइबलये थ्वहे

ध्वाखाः याना दुत हई । २) वयां लिपा पश्चिम पत्तिई नं ल्याःखानां यंके बलय बाहिगांया ध्वाखा वई । भिनिदंय छकै किपूलिई पिडनिगु बाघ भैरव अर्थात गथु प्याखं नगामं अन्तिम दिनय चाहिकाः दुत हईबलय थ्वहे बाहिगांया ध्वाखां दुतः हई ।

३) अर्नलि पश्चिम पत्तिई न्ह्यांवने बलय पाहुली धैगु थासे ध्वाखाःया ताहाकगू ल्वं दु । थ्व अनया किपू देया छगु ध्वाखा खः धाई । ४) वयां लिपा अझ खवय पत्तिई वने बलय खासिया ध्वाखाः वई । अन ला थौं कन्हय् वांलागु ध्वाखा हे दयका तय धुकल । ५) वयां लिपा अझ खवय पत्तिई वने बलेय कुतसाः त्वाया ध्वाखा वई



थ्व ध्वाखा नं न्हुकथं दय्के धुकल । ६) वयां लिपा समले च्वंगु ध्वाखाः वई थ्व ध्वाखाः नं सामाजिक महत्व दुगु नांजागु ध्वाखाः खः । देशय च्वपि मन्तिक उपोयाना थ्वहे ध्वाखां

सिथं यंकिगुलिई थ्वयात सिई ध्वाखा नं धाई । ७) वयां पश्चिम पत्तिईया ध्वाखाः थो ध्वाखाः खः । नाम हे प्रशिद्धगु ध्वाखाः थो ध्वाखाः किपूया पश्चिम पत्तिई लाःगु ध्वाखा थ्व ध्वाखा किपूया

पिगं थोया ध्वाखा नं खः । देय्या महत्वपूर्णगु इन्द्रायणी जात्रा अले मेमेगु महत्वपूर्णगु नखः चखः या थोः पिगं थोया ध्वाखा खः । ८) वयां लिपा पूर्व पत्तिई चाहिला वने बलेय गःछेया दवपाचाय् दुगु ध्वाखाः खः । थ्व किपूया उत्तर पत्तिई स्वःगु ध्वाखाः खः । ९) वयां अझ पूर्व पत्तिई स्वया वने बलय देय्या दथुई लागु बाघभैरव थो याथाय च्वंगु ध्वाखा खः ।

थ्व ध्वाखा देय्या केन्द्र नं खः । थ्वहे ध्वाखां दुनि धुम्बाआजू थोः अर्थात बाघ भैरवया प्रसिद्ध देय्याः दु । १०) वयां लिपा अझ पूर्व पत्तिई न्ह्या वने बलय तःननि, चिट्ठू, ल्वं देगया आसपासय च्वपि मनुत दुहापिहां जुईगु चिट्ठूया ध्वाखा वई वनं

न्हुकथं दयका तयधुकल । ११) वयां लिपा अझ पूर्वय लागू ध्वाखा खः भरयांपुखुसि पुला वने धुंका मारख्यः त्वाःया लिक्क लागू ध्वाखा खः ।

जिफागःया लाखे दुहां पिहां जुईगु थ्व ध्वाखाः नं नाजागु ध्वाखाः खः । थ्व ध्वाखायाः नामं व थाय्या स्थानिय नां नं ध्वाखासिः जुगु खः धैगु मान्यता दु ।

थन भिन्छगु ध्वाखाया थाये त जक खनेदु । अले व दक्क ध्वाखाय ताहाकगु लोहं छगः न दई । थ्वहे ध्वाखाया निशाना नं खः । थुकथं थन कीपू देय्या खं वइबलय कीपू भिनिगु ध्वाखा दुगू देय्या नाम प्रसिद्ध जु । तर थन धासा भिन्छगु जक खनेदु । छगू ध्वाखा गन दु थें ?



## काँग्रेसलाई नै भोट किन ?



राजेन्द्र कुमार के.सी. (राजन)  
प्रतिनिधि सभा उमेदवार  
काठमाण्डौ क्षेत्र नं. १०



पुकार महर्जन  
प्रदेश सभा उमेदवार  
काठमाण्डौ क्षेत्र नं. १०  
प्रदेश सभा (क)

म जन्मेको मेरो धर्तिलाई

शिरमा राखी बनाउँछु

सुन्दर भुगोल

काठमाडौं क्षेत्र नं. १० प्रतिनिधी सभाका उमेदवार राजेन्द्र कुमार के.सी.

(राजन) तथा प्रदेश सभा (क) का उमेदवार पुकार महर्जनलाई

रुख चिन्हमा मतदान गरी अत्याधिक बहुमतले विजय गराऔं ।





## न्यादँय् आधारभूत महत्वया न्यागू ज्या याये -सहअध्यक्ष श्रेष्ठ



संघीय समाजवादी फोरम, नेपालया प्रतिनिधिसभा व प्रदेशसभा निर्वाचन घोषणापत्र-२०७४ छगू ज्याभवःया दथुइ पार्टीया सहअध्यक्ष व निर्वाचन घोषणापत्र मस्यौदा समितिया संयोजक राजेन्द्रप्रसाद श्रेष्ठ विमोचन याना: सार्वजनिक यानादिल ।

उगु ज्याभवलय् नेपा:या परम्परावादी यथास्थितिवादी पार्टीतसिबें थःगु पार्टी नीति, सिद्धान्त व विचा: फुक्क ल्याखं न्हूगु ढंगया पार्टी जूगु धयादिसें वय्कलं थःगु पार्टीया मू एजेण्डा संविधान संशोधनया लिसें पहिचानलिसेंया संघीयता, समतामूलक समृद्धि व सुशासन जूगु धयादीगु दु ।

थःगु पार्टीया संलग्नताय् संघ व प्रदेशतय्के निर्माण जुइगु सरकार 'न्यादँय् आधारभूत महत्वया न्यागू ज्या' यायेगु धयादिसें वय्कलं न्यादँ दुने उर्जा शक्तिइ आत्मनिर्भर जुइगु, मुक्कं गार्हस्थ उत्पादनया ५० प्रतिशत स्थीर पुँजीया

रुपं विकास यायेगु, निगू अंकया आर्थिक वृद्धि हासिल यायेगु, प्रतिव्यक्ति आय दोब्बर थ्यंकेगु व निरपेक्ष गरिबीया रेखामुनी च्वंपिं जनतायात गरिबीपाखें मुक्त यायेगु धयादीगु खः ।

अथेहे भिदँ दुने आर्थिक रुपं आत्मनिर्भर याकेगु व देसयात विकासशील मुलुकय् रुपान्तरित यायेगु व नीन्यादँ दुने मुलुकया जल, जमीन, जंगल, जडिवुटी, जनशक्तियें जा:गु न्यागः 'ज' रुपी स्रोत साधनतय्गु अधिकतम उपयोग याना: देसयात विकसित मुलुकया तुलनाय् थ्यंकेगु वय्कलं धयादीगु दु ।

पार्टीया छयाञ्जे रत्नेश्वरलाल कायस्थ संचालन यानादीगु उगु ज्याभवलय् नेता श्रेष्ठ नीन्यादँय् र [जधानीयें जा:गु थासय् मेलम्चीया म्हागस क्यना: आ:तक खानेपानीया व्यवस्थापन तक यायेमफुम्ह एमाले, कांग्रेसयें जा:गु यथास्थितिवादी पार्टीतसें देसया विकास याये धा:गु 'गोरु ब्याउँछ' धका: आशा यायेगुथें जक जूगु वय्कलं धयादीगु खः ।

उकिं आ: नेपा:या उदयमान राजनीतिक शक्तिया रुपं फुक्क क्षेत्रय् थःगु ब्यागलं विकल्प ज्वनाव:गु संघीय समाजवादी फोरम, नेपालयात अत्यधिक मत त्याकादिसं' धका: आग्रह यानादिल ।


सहअध्यक्ष श्रेष्ठ थःगु पार्टी एमले माओवादी थें ढँटुवा मजगु धासें थःगु पार्टी विजयी जूसा संघय् प्रत्यक्ष निर्वाचित राष्ट्रपति व प्रदेशय् प्रत्यक्ष निर्वाचित मुख्यमन्त्रीया लिसें फुक्क तहलय् प्रत्यक्ष निर्वाचित कार्यकारी प्रमुख दयेका: देसयात र [जनीतिक अग्रगमनया दिशाय् यंकेगु धयादिल ।

- ललेन्द्र शाक्य

## पहिचानलिसेंया सङ्घीयता राष्ट्रिय एकताया लिधँसा



चिलाख चिं



राजेन्द्र प्रसाद श्रेष्ठ

प्रतिनिधिसभाया  
समानुपातिक उम्मेदवार



नेपा:मिया शान - चिलाखय् मतदान

सङ्घीय समाजवादी फोरम, नेपाल

राष्ट्रियता !

प्रजातन्त्र !

समाजवाद !



करुवा चिन्हमा छाप लगाई  
नेपाली कांग्रेस (बी. पी.) काठमाण्डौ क्षेत्र नं.-१० का  
प्रतिनिधिसभा सदस्य उम्मेदवार



श्री प्रणय सिंह महर्जन (मुन्ना) लाई

अत्याधिक बहुमतले बिजय गराऔं।

जय नेपाल !



केन्द्रीय सदस्य

सम्पर्क: ९८५१०७११८४

नेपाली कांग्रेस (बी. पी.)





## वडा नं. ७ य् शहरी स्वास्थ्य केन्द्र

ज्वजलपा वा:पौ

किपू नगरपालिका वडा नं. ७ भाजंग:या ज्याकूथिइ शहरी स्वास्थ्य केन्द्र चायेकूगु दु। वंगु मंसीर ८ गते शुक्रवा: खुन्हु किपू नगरपालिकाया मेयर रमेश महर्जन सार्जनबोर्डया पर्दा उला उलेज्या यानादीगु खः। उलेज्यालिपा वडा ल्या: ७ या नाय: राजकुमार मालीया नाय:सुइ जूगु सभाय् मेयर रमेश महर्जन थःगु घोषणा पतिइ उल्लेख जूगु कथं जनताया स्वास्थ्य सुथालायेमा धका: स्वास्थ्य केन्द्र मदुगु थासय् स्वास्थ्य केन्द्र चायेकेगु ज्या यानागु खः धयादिल। लिक्क वयाच्चंगु न्हयगां जात्रालिपा नगामय् व च्वालल्य नं स्वास्थ्य केन्द्र चायेकेगु जुइ धका: नं वय्कलं धयादिल। किपू नगरपालिकां अथे हे ७० दं च्वय्यापिं ज्याथ: ज्याथीपिन्त ब्लड प्रेसर व चीनी ल्वयया वास: सितिं इनेगु ज्या न्हयाके धुंकूगु दु। उखुन्हु कीर्तिपुर अस्पतालय् स्वास्थ्य शिविर तथा वडा नं. १,२ व ३ या ज्याथ: ज्याथीपिन्त वास: इने धुंकूगु दु। जात्रा लिपा छसिकथं मेमेगु फुक्क वडाय् नं सितिकं वास: इनेगु जुइ धका: मेयर महर्जन धयादिल।

उपमेयर सरस्वती खड्कां लसकुस न्वचू विइगु भ्वल्य ज्याथ: ज्याथीपिनिगु सेवा कम्युनिष्टतय्सं जक याइ, एमालेया ९ महिना शासन कालय् प्रधानमन्त्री स्व. मनमोहन अधिकारी सच्छिद्रामं सुरु या:गु समाजिक सुरक्षा भत्ता आ: निद्र: दां थ्यन, आ:यागु चुनावय् वामपन्थित त्यात धा:सा सामाजिक सुरक्षा भत्ता लय् न्याद्र: तका विइ धका: घोषणा हे याये धुंकूगु खं कनादिल। भिंतुना विइगु भ्वल्य क्षेत्र नं. १० प्रदेशसभा क या वाम गठबन्धन उम्मेदवार दिलिप महर्जन स्वास्थ्य बांला:सा सकतां बांलाइ धइगु खँयात वा: चायेका जनतायात सुलभ तरिकां उपचार यायेत किपुलिइ जन पोलिक्लिनिक चायेकागु खं कनादिल। यदि थ:पिं त्यात धा:सा कीर्तिपुर अस्पतालया स्तरउन्ती याना किपूमितय् दंक स्वास्थ्य सेवा विइगु जुइ धयादिल।

सभानाय: वडा नं. ७ या वडा अध्यक्ष राजकुमार मालीं सरकारी विद्याया इलय् बाहेक न्हिया न्हिथं भित्ता इलानिसें प्यता ई तक नि:शुल्क स्वास्थ्य सेवा विइगु जुइ धयादिल। भाजंगल्य अफ्र तक स्वास्थ्य केन्द्र मर्दुनिगु थासय् स्वास्थ्य केन्द्र चायेकूगलिं मेयर रमेश महर्जनयात सुभाय् विद्यादिसं वय्कलं सभा क्वचायेकादीगु खः।

## न्हयगां जात्राया लसताय् लोकतान्त्रिक नेवा: खल:या भिंतुना कालबिल



ज्वजलपा वा:पौ

नेपाली कांग्रेसया भातृ संगठन लोकतान्त्रिक नेवा: संघ, संघ संस्था परिचालन समिति, युवा तथा खेलकुद परिचालन समितिया मंका: ग्वसालय् शनिवा: न्हयगां जात्राया लसताय् भिंतुना कालबिल ज्याभव: जुल। गुजे सिंह न्हयाकादीगु उगु ज्याभव:या सभानाय: लोकतान्त्रिक नेवा: संघया केन्द्रीय सदस्य राममान सिंह जुयादीगु ख:सा मूपाहां युवा तथा खेलकुद मन्त्री नापं १० नम्बर क्षेत्रया नेपाली कांग्रेसया प्रतिनिधिसभा उम्मेदवार राजेन्द्र कुमार के.सी., विशेष पाहां क्षेत्र नं. १० प्रदेशसभा क या उम्मेदवार पुकार महर्जन अले पाहापिं राजकुमार नक:मि, कृष्णमान डंगोल लगायतयापिं सहभागी जुयादीगु ख:। नेपाली कांग्रेसया स्थानीय नेता स्व. हरि शरण महर्जनया लुमन्तिइ छगू मिनेट मौन धार ण याना सभा न्हयाकूगु ख:। राममान सिंह लसकुस न्वचू बियादीगु ख:सा पुकार महर्जन व राजकुमार नक:मिं भिंतुना न्वचू बियादीगु ख:। थ:गु नुग:खं तयेगु भ्वल्य प्रतिनिधिसभा उम्मेदवार राजन केसीं मंसीर २१ गते जुइगु चुनाव लोकतन्त्र व अधिनायकवादया जनमत संग्रह ख: धयादिल। लोकतन्त्रया नितिं नेपाली कांग्रेसयात भोट विइमा:, कम्युनिष्ट शासन य:सा कम्युनिष्टतय् भोट विइमा:, चीनय् कम्युनिष्ट शासन दु अन बहुदल व स्वतन्त्रता छुं हे मदु, फेसबुक तकं चलेयाये मदु, सरकारया आदेशविना छुं ज्या याये दइमखु, मानव अधिकार नं दइमखु, उकिं मानव अधिकार मदुगु शासन व्यवस्था ल्ययेगुला कि लोकतन्त्र ल्ययेगु धका: न्हयस: तयादिल। अथे हे थ: सांसद जुया छुं दयेकेत वयागु मखु, दाया लोभ मदु, १० नम्बर क्षेत्रया विकास व समृद्धिया नितिं राजनीतिइ क्वहां वयागु ख:, उकिं जिं किपूमितय् न्हाय् भुइकेगु छुं नं ज्या याये मखु धका: न्हापानिसें धया वयाच्चनागु, थौं नं व हे वचं बियाच्चना। सभानाय: राममान सिंह किपूया गौरव ल्यंका तयेत सिमा चिलय् भोट तथा नेपाली कांग्रेसयात त्याकेत इनाप यानादिसं सभा क्वचा:गु घोषणा यानादिल।

## बिचा: हायेका

जन्म:  
ने.सं. १०३८  
गुलाथ्व द्वादशी



मदुम्ह ज्ञानीमाया महर्जन

मदुगु :  
ने.सं. ११३८  
कछलागा द्वादशी



जिमि ग्वहालिमिपिं प्रा. डा. नन्दबहादुर महर्जन व जनसेवा माविया प्राचार्य नन्दकुमारी महर्जनया मां नापं पांगा माविया प्रिन्सिपल श्याम सुन्दर महर्जनया अजि **ज्ञानीमाया महर्जन** सच्छिद्रय् वंगु कार्तिक २९ गते बुधवा: आकाभाकां मदुगुलिं मदुम्हेसिया सुखावति भुवनय् वास लाय्मा धका: कामनायासें दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना।

ज्वजलपा वा:पौ व कीर्तिपुर सन्देश परिवार  
किपू

## बिचा: हायेका

जन्म:  
ने.सं. १०७५  
दिल्लथ्व पारु



मदुम्ह श्यामदास प्रजापति

मदुगु :  
ने.सं. ११३८  
थिलाथ्व सप्तमी



नेपालभाषा आन्दोलनया न्हयलुवा:, नेपालभाषाया साहित्यकार नापं पलिस्था संस्थाया नाय: जिमि पासा नापं संचारक:मि रश्मीला प्रजापतिया अबु **श्यामदास प्रजापति (कुमा:)** ख्वीस्वदय् मंसीर ९ गते शनिवा: आकाभाकां मदुगुलिं मदुम्हेसिया सुखावति भुवनय् वास लाय्मा धका: कामनायासें दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना।

नजरराम महर्जन व श्रीकृष्ण महर्जन  
किपू

## चुनाव वल

नाती महर्जन

थ:चपा, पांगा

होस यायेमाल नेपा:या जनता सकसिनं

लिक्क थ्योक व:गु दु चुनाव हानं

न्हापाथें हे फुसलुगु आशवासन बिईत ग्वा: ग्वा:

वयेत्यंगु दु नेता धा:पिं भीथाय् छैं हानं

चुनाव त्यातकि देश व जनताया सेवा यायेधाईपिं

छुं मस्युपिं जनता भंग: लाईपिं

कस्से जुयाच्वंगु दु करोडपति फोगीत

जनता हेका भोट फों वईपिं

चुनाव मत्य:तले न्हिं न्हयक: वयाच्वनीपिं

ज्यूसा जनताया तुति ज्वना ख्या:केनिपिं

चुनाव त्या:गु कन्हेनिसें हानं

नमस्ते या:सां म्हमस्यु पह: याना वनिपिं

वयेत्योगु दु न्हिं १८ घण्टा लोडसेडिंग या:पिं

५ हजार मेगावाट या पावर हाउस दयेके धा:पिं

देशया दक्क कारखाना मिया:न:पिंनं छैं छैं वया

नेपा:मितय् कमाई दँ ५ हजार डलर थ्योका विई

धा: वईतिनि

जनताया छैं थुनां लँ तबला या:पिं

नेवा:तय् राजधानि पितना छेयत्यपिं

मछामजूसे जनताया छैं छैं वया

थुगुसी छक: त्याका व्यु धका ख:वईतिनि

वईतिनि नेतात वँयथें खँलाइपिं

हिमालं हिमालं रेल चले याना हय् धाईपिं

गुलि नेपा:या जनतायात बुलेट ट्रेनय् तया

पुर्व पक्षिम चाहिके धा: वई तिनी ।

गुलिं वई पेट्रोल खानी म्हुया केने धाईपिं

गुलि वई ग्याँस पाईप छैंय् थ्यंक तईपिं

अजागु बकँफुसुलु खँजक सयका नईपिं नेतातय्सं याना

जनतां सुख सिई मफया चोगु खनि



न्हय्गु प्रदेश छुटे याना च्यास: सभासद दयकेत्यपिं

देशया बजेट तलब भत्ता नया फुकेगु स्व:पिं

सरकारी धुकुटी च्वंगु संपत्ति मँ होलेथें होला

परिवार ज्वना विदेश चाहिलत पल्केथूपिं

थुमिसं देश विकास याना नई मखुत

थुगुसि ला धात्यें त्याके मज्यू थुमित

थुमिसं देश विकाश याइला धका नीदँ पीधुन

थौतक सिन्का छपु हे चिईका क्योगु मखन

आ:ला थुमित विश्वास याये गात

थुमिगु राजनीति खँ खँ जनताया कपा: स्यात

थजा:पिं देश द्रोही नसुवा नेतातय्

थुगु चुनावय् मबुकूसे हे मगात

थ्व चुनावय् देश भक्त नेतातय्

भोट कुर्का चुनावय् त्याका छेयत

पार्ति सिवे देश व जनता च्वय तया

भी मिलेजुया वनेनु थ:गु अमल्य भोट कुर्केत

भासनय् जक देश विकाशया खँलाइपिन्त

म्हंगसय् जक विकाश जूगु किपा क्यनीपिन्त

भीसनं थुगुसिई फुसलुगु आशवासन बिया

पपौ चाना बोय्का छेय माल थुमित

न्हापा खुस: सभासदं देशया धुकु खालि याना चोगु

आ: च्यास: सभासद लहित बजेत गन का: वनेगु

न्हापायापिन्सं हे फोगिं याये धुकुगु देश

आ: च्यास: मिलेजुया नांगां यायेत स्व:गु

अय्जुया दाजुकिजा भीसं होस यायेमाल

थ: मनू थ:गु पार्ति धया चोने मजिल

नेपा: देय्या मायादुपिं भी जनता ख: धैगु जूसा

त्यागी देशभक्त सोया त्यया भोट कुर्के माल

मखु धैगु ख:सा थ्व राजनीति दशांक:पिं भीपिं

नीदँ दत करं क्वत्यलात:पिं

आम्दानी याये वनेथाय् गनं दुगु मखु

आ:ला अवस्य वईन कर पुलेत थ:हे बन्क चोने मालीगु ॥



## बखुमद: जात्रा

### (न्हय्गां जात्रा) सफू

यैय् नं दक्षिण पश्चिमपाखेया न्हय्गां जात्रा (

बखुमद: जात्रा) किपू, पांगा, नगां, व्वसिगां,

मच्छेगां, ल्ह्वंखा व सतुंग: जात्रा ।

थुगुसी वइगु मंसीर १० गते आइतवा:

(ने.सं. ११३८ थिंलाथ्व अष्टमी)

निसें सुरु जुइ । न्हय्गां जात्राया बारे सफू

व्वनादिसं व्वकादिसं ।

**मू ३०१-तका जक**

स्वापू: ९८४१७५२५८३

व ९८४४४८२१४६

## बिचा: हायेका

जन्म: वि.सं.

१९९०/०८/०७

मदुगु :

२०७४/०७/२९



मदुम्ह नेकूभाई महर्जन



थुगु संस्थाया मैनेजर भुवन महर्जनया अबु  
नेकूभाई महर्जन (सत:क्व) ८४ चयप्यदँय् वंगु कार्तिक २९

गते बुधवा: आकाभाकां मदुगु थौं घ:सूया पुण्यतिथिसं

मदुम्हेसिया सुखावति भुवनय् वास लाय्मा धका: कामनायासैं

दु:खंक:पिं सकल छेंज:पिन्सं मन चिइफय्मा धका:

बिचा: हाय्का च्वना ।

**आजु बाघभैरव सेक्युरिटि  
सर्भिसेज प्रा.लि.**

नयाँबजार, कीर्तिपुर

## बिचा: हायेका

जन्म: वि.स.

१९९०/८/७

मदुगु :

२०७४/०७/२९



मदुम्ह नेकूभाई महर्जन



थुगु कीर्तिपुर बाघभैरव नगडा भजनया दुज: नेकूभाइ  
महर्जन (सत:क्व) ८४ चयप्यदँय् वंगु कार्तिक २९ गते

बुधवा: आकाभाकां मदुगु थौं घ:सूया पुण्यतिथिसं मदुम्हेसिया

सुखावति भुवनय् वास लाय्मा धका: कामनायासैं दु:खंक:पिं

सकल छेंज:पिन्सं मन चिइफय्मा धका:

बिचा: हाय्का च्वना ।

**नाय: रामबहादुर महर्जन व  
कीर्तिपुर बाघभैरव नगडा भजन परिवार  
किपू-१ बाघभैरव**



## नेपालय् न्हापांखुसि मिडिया फेष्टिवल याइगु

### ज्वजलपा वा:पौ

देयन्त्यकया नेवा: पत्रकारतय्गु राष्ट्रिय संगठ नेवा: पत्रकार राष्ट्रिय दबूपाखें नेपालय् हे न्हापांखुसि मिडिया फेष्टिवल याइगु जूगु दु । वइगु नेपाल संवत् ११३८ पोहेलागा पञ्चमी पुष २२ गते शनिवा: कुन्हु लाका अथे फेष्टिवल यायेत्यंगु ख: ।

समावेशी संचारया नितिं मिडिया फेष्टिवल ज्याभूव: यायेगु नितिं तयारी सुरु जुइ धुंक्गु दु धका: दबुलिं धा:गु दु । नेपालय् समावेशी संचारया बारे बहस जुयाच्चंगु अवस्थाय् वास्तवय् नेवा: पत्रकार राष्ट्रिय दबूपाखें सशक्त कथं समावेशी संचारया बारे भूमिका म्हितेगु नितिं नं उगु कथंया ज्याभूव: याये त्यनागु ख: धा:गु दु । नेपाल पत्रकार महासंघया संस्थापक नाय: सत्यनारायण बहादुर श्रेष्ठया मुद्दा, नेपा:या न्हापांम्ह मातृभाषाया पत्रकार धर्मादित्य धर्माचार्यया मुद्दायात तर्क स्थापित याकेगु अले सर कारवाला पक्षयात स्वीकार याके बिइगु कथंया अथे मिडिया फेष्टिवल याये त्यनागु ख: धका: दबुलिं धा:गु दु ।

नेवा: भासं पिहां वयाच्चंगु पत्र पत्रिका, नेवा: भासं ज्याभूव: संचालन जुयाच्चंगु एफ एम, टेलिभिजनसिं अनलाईन तकया नं स्टल तयेगु नाप नापं थीथी मातृभाषाया संचार संस्था व खय् भायया संचार संस्थाया तर्क सितिकं स्टल तयेके बिइगु कथंया व्यवस्था सहितया अथे मिडिया फेष्टिवल यायेत्यंगु ख: ।



संचारक:मित म्हसीकेगु, थीथी प्रकाशन गृहया प्रकाशणया बारे स्वयेगु, पत्रिकापाखें ग्राहक दयेकेगु, संचार माध्यमया प्रचार प्रसार यायेगु, सरकारी निकायसिं थीथी निकायया प्रतिनिधि, संचारक:मिनिसं थीथी राजनीतिक दलया नेता व जनप्रतिनिधित तर्क दुथ्याका अथे समावेशी संचारया नितिं मिडिया फेष्टिवल यायेत्यंगु ख: ।

थुगु फेष्टिवलय् नेवा: पत्रकार राष्ट्रिय दबूया येँ, यल, खप, काभ्रे कचाया नाप नापं केन्द्रया पदाधिकार ी नापं दुज:पिं सक्रिय जुइ अले नेवा: पत्रकारत दुथ्यानाच्चंगु फुक्क संचार माध्यमया प्रकाशनसिं म्हसीका पिब्वइगु कथंया सामग्री सहित ज्वना स्टल तयेगु ज्या याइ धका: नं धा:गु दु । थुगु फेष्टिवल नेवा: पत्रकारतय्गु छगू कथंया महत्वपूर्ण पला: जुइ धा:गु दुसा संचार ख्य:यापनिगु नितिं आ: तक गबलें मजुनिगु कथंया महोत्सवया रुपय् न्हयव्वयेगु जुइ धका: नं धा:गु दु । फेष्टिवलय् समावेशी संचारया सवालयात कया थीथी स्टरया छलफल यायेगु औपचारिकसिं अनौपचारिक ज्याभूव: तर्क यायेगु जुइ धका: नं दबुलिं जानकारी बिउगु दु ।

## बिचा: हायेका

जन्म: वि.सं.  
१९९०/०८/०७

मदुगु :  
२०७४/०७/२९



मदुम्ह नेकूभाई महर्जन

थुगु संस्थाया संस्थापक मोहन महर्जनया अबु नेकूभाइ महर्जन (सत:क्व) ८४ चयप्यदँय् वंगु कार्तिक २९ गते बुधवा: आकाभाकां मदुगु थौं घ:सूया पुण्यतिथिसं मदुम्हेसिया सुखावति भुवनय् वास लाय्मा धका: कामनायासं दु:खंक:पिं सकल छँज:पिन्सं मन चिइफय्मा धका:

बिचा: हाय्का च्वना ।

## प्राईम फिट्नेश

केएमसी बिल्डिंग बाहिगां, नयाँबजार  
कीर्तिपुर-९

## बिचा: हायेका

जन्म:  
ने.सं. १०३८  
गुलाथ्व द्वादशी

मदुगु :  
ने.सं. ११३८  
कछलागा द्वादशी



मदुम्ह ज्ञानीमाया महर्जन

क्षितिज युवा कोषया सदस्य विद्या सागर महर्जनया अजि ज्ञानीमाया महर्जन १०० सच्छिदँय् वंगु कार्तिक २९ गते बुधवा: आकाभाकां मदुगुलिं मदुम्हेसिया सुखावति भुवनय् वास लाय्मा धका: मनंतुसं दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना ।

## क्षितिज युवा कोष परिवार

पाँगा

## बिचा: हायेका

जन्म:  
ने.सं. १०३८  
गुलाथ्व द्वादशी

मदुगु :  
ने.सं. ११३८  
कछलागा द्वादशी



मदुम्ह ज्ञानीमाया महर्जन

थुगु सहकारी संस्थाया संस्थापक सदस्य विद्या सागर महर्जनया अजि ज्ञानीमाया महर्जन १०० सच्छिदँय् वंगु कार्तिक २९ गते बुधवा: आकाभाकां मदुगुलिं मदुम्हेसिया सुखावति भुवनय् वास लाय्मा धका: मनंतुसं दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना ।

## जय विष्णुदेवी बचत तथा ऋण

## सहकारी संस्था लि.

सुन्दरबजार, पाँगा



## पूगु नुगः

विकास महर्जन  
पाँगा, ध्वाखासी त्वा:



यो ज्ञानी !  
जिमि छ निनी  
छं जि पुता:  
जित छं ब्वलंकल ।  
जिगु खा: स्वया  
मन छंगु न्हिला हैगु  
निनी जक मखु छ जिम्ह  
माहे जुयाबिल ।

यो निनी !  
छंगु मतिना धर्तिसिबे त:व्या:  
मेपिने थ: मस्तयूत ईसा:तिसा: या:गु खना  
छंगु नुग: ख:  
“मस्तयूत ब्वबिये मज्यू, माया यायेमा:”  
धका: स्यं जुइगु ।  
“ज्या याना ल्हा: ज्य:वनी मखु  
मेपिनि भरय् च्वने मज्यू ।”

“थ:भिंसा कत: भिं ।”  
धका: ज्ञां कनीगु ।  
निनी ! छ,  
शान्ति व सहनशीलताया प्रतिमूर्ति !  
शताब्दीतक म्वायेफुम्ह चिरञ्जीवि !  
अखवारय् छंगु नां मव:सां  
टिभीइ छंगु खा: मव:सां  
छंगु ज्ञान न्यनेदया:  
फय्या न्हायपनं याउँगु दु ।  
निनी ! थ्व धर्तिइ छं पला: तया  
धर्तिया म्हनं याउँगु दु ।

निनी ! छं द: नापलातकी  
माया याना “यो पुता !” धका:  
ल्हा: ज्ववैगु ।  
निनी ! छंगु ल्हा: ज्वना: जित:  
मां-अबु मदुगु ल्वमनां वनीगु ।  
निनी ! जिं छन्त स:त: वयेवल्य  
थ:छें छं वये दइबल्य  
स्वर्गय् वयेथें लय्ताइगु ।  
छ अस्पतालया शैयाय्  
अचेत जुया: च्वबल्य  
जि वया स:तेवं  
“निनी ! निनी !!” धैगु सबतं



मदुम्ह  
ज्ञानीमाया महर्जन

मृत्यु नापं ल्वानां जित:  
मिखा कना: हल ।  
जित: उलिमछि माया याइम्हं  
निनी ! छं,  
“निनी-भिन्वाया” मतिनाया बाखं  
ख्वबि-मसिं च्वयेका वन ।  
निनी ! छ मन्त !  
सर्ग: कुतुं बल !  
जिगु संसार फुत !  
निनी मदुम्ह  
छं पुता: जि  
ल: मदुगु पुख्खा न्याँथें  
नुग: पुका: च्वना .....

## पत्रकार दबूया पुलांम्ह केन्द्रीय दुज: स्याउला मन्त

ज्वजलपा वा:पौ

देयन्त्यंकया नेवा: पत्रकारतय्गु राष्ट्रिय संगठन  
नेवा: पत्रकार राष्ट्रिय दबूया पुलांम्ह केन्द्रीय दुज:  
नापं केन्द्रीय पार्षद पुस्पदास स्याउला मन्त । काभ्रे  
जिल्लाया सक्रिय पत्रकार स्याउला वंगु मंसीर ६ गते  
युवा अवस्थाय् हे आकाभाकां मदुगु ख: ।

वय्क: मदुगुलिं नेवा: पत्रकार राष्ट्रिय दबू काभ्रे  
कचापाखें शनिवा: विचा: हायेकूगु दु । नेवा: पत्रकार  
राष्ट्रिय दबूया केन्द्रीय नाय: श्रीकृष्ण महर्जन, न्वक् सुरवीर बज्राचार्य, दांभरी  
सुरेन्द्रभक्त श्रेष्ठ, ख्वप जिल्लाया नाय: इश्वरकाजि खाइजु नापं उपस्थिति जुयादीगु  
काभ्रे कचाया मुँज्यां मदुम्ह पत्रकार स्याउलाप्रति श्रद्धाञ्जली प्वकेगु ज्या या:गु  
ख: ।

नेवा: पत्रकार राष्ट्रिय दबू काभ्रे कच्चा नीस्वनेगु नितिं महत्वपूर्ण योगदान  
यानादीम्ह वयकलं पत्रकारिता ख्यलय् यानादीगु योगदानया बारे नं चर्चा यायेगु  
ज्यायासं पत्रकार स्याउला मदया दु:खंक:पिं छेंज:पिन्त धैर्य धारण याये फयेमा  
धका: विचा: हायेकेगु ज्या तकं या:गु दु ।

मदुम्ह पत्रकार स्याउलां भीगु स्वनिग: न्हिपौनिसं स्थानीय थीथी पत्र पत्रिकाय्  
सम्वादाताया जुया नापं नेपालभाषाया पत्र पत्रिका काभ्रे जिल्लाय् वितरण यायेगु  
ज्या तकं यानादीम्ह ख: ।



## साहित्यकार स्यामदास प्रजापति मन्त

नेपालभाषाया नां जाम्ह नेपाल भाषाया साहित्यकार लिसं पलिस्थाया नाय: श्यामदास  
प्रजापति शनिवा: सुथय् मन्त । वास: याकेगु भवलय् वयक: काठमाण्डौं मोडल अस्पतालय्  
मदुगु ख: । छुं दँ न्ह्य: वय्क:या जहान मदुगु ख: । ६३ दँय् मदुम्ह श्यामदास प्रजापतिया  
निम्ह काय् व निम्ह म्हायाय् दु । वय्क:या छम्ह म्हायाय् नेपालभाषा ख्य:या सक्रिय व्यक्ति  
लिसं सचारकर्मि रश्मिला प्रजापति ख: । मदुम्ह प्रजापति नेपालभाषां यक्व: साहित्य  
रचना यानादिगु दु । वयक:या अन्तिम संस्कार शनिवा: न्हिनय् २ बजे पशुपती  
आर्यघाटय् जुइगु जुगु दु



नेपाल संवत् १०७५ दिल्लाथ्व अमैखुन्हु यँया मरु अट्कोय् जन्म जुयादीम्ह वय्क:या न्हापांगु  
चिनाखँ स्वां नाप सितु निलापौ ल्या: ३८ ने.सं. १०९० सं पिदंगु ख: । वय्क: पल्पसा साहित्य ख्य: यें  
ने.सं १०९२ या नाय:, नेपालभाषा प्रगतिशिल च्वमि गुथि ने.सं. ११०२ या केन्द्रीय  
संयोजक, छितिज सांस्कृतिक परिवार यलया नाय: व मि ब्वाला पुच: यें ने.सं. ११०२ या  
नाय: ख: । वय्क: पलिस्था नेपालभाषा दँपौया सम्पादक नं ख: ।

साहित्यकार वय्क: प्रजापतिया पिदने धुकूगु सफूत: आकसय् लूगु निभा: (बाखं सफू  
ने.सं. १०९८), निभा:या पलाखय् बाखं सफू (ने.सं. ११०४), सुथ लूगु सुथ (बाखं सफू  
ने.सं. ११२२), स: वस: जिन्दगी (मुक्तक सफू ने. सं ११३०), सर्ग: थ: हे ननी (बाखं मुना  
ने.सं. ११३०)

## बिचा: हायेका

जन्म:  
ने.सं. १०३८  
गुलाथ्व द्वादशी



मदुम्ह ज्ञानीमाया महर्जन

मदुगु :  
ने.सं. ११३८  
कछलागा द्वादशी



थुगु विद्यालयया संस्थापक अध्यक्ष प्रा. डा. नन्दबहादुर  
महर्जनया मां नापं प्रिन्सिपल श्याम सुन्दर महर्जनया अजि  
ज्ञानीमाया महर्जन सच्छिदंय् वंगु कार्तिक २९ गते बुधवा:  
आकाभाकां मदुगुलिं मदुम्हेसिया सुखावति भुवनय् वास  
लाय्मा धका: कामनायासं दु:खंक:पिं सकल छेंज:पिन्सं मन  
चिइफय्मा धका:  
बिचा: हाय्का च्वना ।

पाँगा माध्यमिक विद्यालय परिवार

सहिदपथ, पाँगा, स्वापू ४३३००६९, ४३३२५५५

## बिचा: हायेका

जन्म:  
ने.सं. १०३८  
गुलाथ्व द्वादशी



मदुम्ह ज्ञानीमाया महर्जन

मदुगु :  
ने.सं. ११३८  
कछलागा द्वादशी



जनसेवा मा.वि.या प्राचार्य नन्दकुमारी महर्जनया मां  
ज्ञानीमाया महर्जन १०० सच्छिदंय् वंगु कार्तिक २९ गते  
बुधवा: आकाभाकां मदुगुलिं मदुम्हेसिया सुखावति भुवनय्  
वास लाय्मा धका: मनंतुनां दु:खंक:पिं सकल छेंज:पिन्सं मन  
चिइफय्मा धका:  
बिचा: हाय्का च्वना ।

२०४५ साल एस.एल.सी. समुह  
जनसेवा मा.वि. पाँगा



# बिचा: हायेका

जन्म:

ने.सं. १०३८  
गुंलाथ्व द्वादशी

मदुगु :

ने.सं. ११३८  
कछलागा  
द्वादशी



मदुम्ह ज्ञानीमाया महर्जन



जिमि स्या:न्याम्ह निनी अजि **ज्ञानीमाया महर्जन** १०० (सच्छि)दँ तक  
म्वाना गौरवमय जीवन हना:, वंगु कार्तिक २९ गते बुधवा: आकाभाकां  
मदुगु दु:खय् जिमिसं नुग: ख्वबि हायेकूसे श्रद्धाया स्वां देछना: च्वना । नापं  
सकसिनं धैर्य धारण याना मनचिइ फयेमा धका: बिचा: हायेका च्वना ।

## बिचा: हायेकूपिं

छय् भिन्वा/ छय् जिलाजं

चैन कुमारी महर्जन/सन्तोष महर्जन

पार्वती महर्जन/रामलाल महर्जन

भगवती महर्जन/राजभाई जक:मि

पद्म शोभा श्रेष्ठ/बालगोपाल श्रेष्ठ

प्रमिला महर्जन/गंगाराम डंगोल

छय् भिन्वा/ छय् भिन्वा भौ

विकास महर्जन/ विनिता महर्जन

छुई /छुई भौ/ छुई जिलाजपिं

सरोज महर्जन/मयूजु महर्जन

सजित महर्जन/रबिना महर्जन

सशानसीता महर्जन/सतिश महर्जन

सागर महर्जन/बुद्धलक्ष्मी महर्जन

संगीता महर्जन/अमन महर्जन

समिता महर्जन/रबि पुन:

सुमित्रा महर्जन/मनिल महर्जन

निराज महर्जन/शर्मिला महर्जन

निशान महर्जन

निमन महर्जन/सरिना श्रेष्ठ

पब्लिका श्रेष्ठ/प्रविण महर्जन

प्रसिद्धराज श्रेष्ठ

प्रतिभा डंगोल/सचिन महर्जन

प्रज्वल डंगोल

विजेता महर्जन, विनित महर्जन

उइपिं :

सजोन महर्जन, श्रीजन महर्जन, सजिन महर्जन, श्रीया

महर्जन, सिचु महर्जन, आयुष महर्जन, आयुष्मा

महर्जन, रश्मि पुन:, मुना पुन:, यज्जल महर्जन, लिजला

महर्जन